

Վ. Ն. Խաչատրյան

ՀԱՅԱՍՏԱՆԻ ՏՆՏԵՍԱԿԱՆ ԿԱՊԵՐԸ

Կոմունիստական պարտիան և Սովետական կառավարությունը մեծ ուշադրություն են նվիրում արտադրության տեղաբաշխման բարելավման, միութենական ռեսպուբլիկաների և տնտեսական մյուս շրջանների ժողովրդական տնտեսության ճիշտ մասնագիտացման և կոմպլեքսային զարգացման, միջշրջանային ու ներշրջանային տնտեսական կապերի ռացիոնալացման հարցերին: Միջշրջանային տնտեսական կապերի զարգացումն ու կատարելագործումը անխզելիորեն կապված են սոցիալիստական հասարակության աշխատանքի բաժանման հետագա ընդլայնման հետ:

Տնտեսական կապերը միութենական ռեսպուբլիկաների ու տնտեսական շրջանների միջև հանդիսանում են սոցիալիստական վերարտադրության հասարակական պրոցեսում նրանց փոխադարձ հարաբերությունների խնդիրը: Արդյունաբերության և շինարարության ղեկավարման վերակառուցման և վարչա-տնտեսական շրջանների կազմավորման շնորհիվ ի հայտ եկան աշխատանքի հասարակական բաժանման նոր հնարավորություններ և ստեղծվեցին բարենպաստ պայմաններ միջշրջանային տնտեսական կապերի ավելի ռացիոնալ սիստեմ կազմակերպելու համար:

Միջշրջանային տնտեսական կապերի օրյեկտիվ անհրաժեշտությունը թելադրվում է, ամենից առաջ, աշխատանքի հասարակական բաժանման առկայությամբ, որտեղ աշխատանքի տերիտորիալ բաժանումը հանդես է գալիս որպես նրա արտահայտման ձևերից մեկը: Աշխատանքի հասարակական բաժանումը դա այն հզոր ուժն է, որը տնտեսական տեսակետից երկիրը բաժանում է յուրօրինակ մասերի և դրա հետ միասին նրանց շաղկապում է տնտեսական կապերով:

Սոցիալիստական տերիտորիալ աշխատանքի բաժանումը նախատեսում է միութենական ռեսպուբլիկաների և տնտեսական շրջանների մասնագիտացում և արտադրության այն բնագավառներում, որոնց զարգացումը նպատակահարմար է տեղական բնական և աշխատանքային ռեսուրսների ավելի էֆեկտիվ օգտագործման տեսակետից՝ ամբողջ երկրի արտադրական ուժերի ավելի արագ զարգացման նպատակով:

Միջշրջանային տնտեսական կապերի անհրաժեշտությունն այնուհետև պայմանավորվում է հասարակական արտադրության բուռն աճով, որը հանգեցնում է տնտեսական շրջանների միջև ինչպես արտադրության միջոցներ, այնպես էլ սպառման ապրանքների փոխանակության ընդլայնմանը:

Համաձայն ՍՄԿՊ XXI համագումարի և ՍՄԿՊ ԿԿ Հուլիսյան պլենումի որոշումների սոցիալիստական հասարակության զարգացման տվյալ փուլում առանձնակի նշանակություն ունեն գիտության նվաճումների և առաջավոր տեխնիկայի ներդրման հիման վրա արտադրության անընդհատ կատարելա-

գործման, արտադրության ավտոմատացման ու կոմպլեքսային մեքենայացման լայն զարգացման հարցերը: Բնական է, որ այս հարցերի լուծումը ամեն մի տնտեսական շրջանում հնարավոր է միայն միջշրջանային և միջոնսպուրիկական տնտեսական սերտ կապերի առկայության դեպքում:

Տնտեսական կապերի բնույթը կախված է տվյալ հասարակության մեջ գերիշխող արտադրական հարաբերություններից: Ինչպես հայտնի է, կապիտալիստական հասարակարգում տնտեսական կապերը շրջանների միջև, ինչպես նաև առանձին վերցրած երկրի շրջանների ներսում, կրում են անտազոնիստական բնույթ, որի պայմաններում տնտեսական տեսակետից հետամնաց շրջանները ենթակա են դառնում արդյունաբերական ավելի զարգացած տնտեսական շրջաններին: Ընդամենն տնտեսական շրջանների զարգացումը տեղի է ունենում տարբերայնորեն և խիստ անհամաչափ կերպով:

Միջշրջանային տնտեսական կապերի հարցի ուսումնասիրությունը ունի կարևոր նշանակություն երկրի ճիշտ, գիտականորեն հիմնավորված շրջանացման համար:

Միաժամանակ պետք է նշել, որ տնտեսական կապերի բացահայտումն ու վերլուծությունը շատ բարդ խնդիր է: Բանն այն է, որ այդ կապերը արտադրության առանձին ճյուղերում և տնտեսական շրջաններում տարբեր են հավասարամեծ չեն և աշխատանքի տեղիտորիալ բաժանման պայմաններում կազմում են բարդ ցանց ամբողջ երկրի տնտեսական քարտեզի վրա:

Տվյալ հոդվածում փորձ է կատարվում համառոտակի կերպով վերլուծելու Հայկական ՍՍՌ տնտեսական կապերի վիճակը, որոշելու այդ կապերի հիմնական տարրերը, նրանց կառուցվածքը, ծավալը և բաշխումը ըստ միութենական ոնսպուրիկանների և տնտեսական շրջանների: Հոդվածում լայնօրեն օգտագործված են միջշրջանային կապերին վերաբերվող հաշվառման նյութերը ըստ Հայկական ՍՍՌ Ժողտնտխորհի տվյալների:

Սոցիալիզմի ժամանակ տնտեսական շրջանների միջև հարաբերությունները կրում են բոլորովին այլ բնույթ: Տնտեսական կապերի հիմքում ընկած է արտադրության միջոցների սոցիալիստական սեփականությունը, որի շնորհիվ տնտեսական փոխհարաբերությունները կրում են ընկերական փոխօգնության և համագործակցության բնույթ և զարգանում են ՍՍՌԴ ժողովրդական տնտեսության միասնական պլանով, որը բոլոր վարչատնտեսական շրջանների էկոնոմիկան միահյուսում է միասնական ամբողջականության մեջ:

Սոցիալիստական տեղիտորիալ աշխատանքի բաժանման և արտադրական մասնագիտացման պայմաններում տնտեսական շրջանների միջև պլանայնորեն զարգացող կապերն արտահայտվում են նրանով, որ յուրաքանչյուր միութենական ոնսպուրիկա, յուրաքանչյուր տնտեսական շրջան պլանով նախատեսված իր բաժինն է ներդնում ՍՍՌԴ ժողովրդական տնտեսության զարգացման ընդհանուր և միասնական ֆոնդի մեջ և փոխարենը այդ ընդհանուր ֆոնդից, մյուս տնտեսական շրջաններից ստանում է այն, ինչ անհրաժեշտ է իր ժողովրդական տնտեսության զարգացման համար: Այդ դեպքում, վարչա-տնտեսական շրջանները հնարավորություն ունեն հանդես բերելու տեղական նախաձեռնություն՝ արտադրության մասնագիտացման և տնտեսական ուրիշ շրջանների հետ ավելի նպատակահարմար կապերի իրագործման համար:

Ներկայումս Հայաստանը, ինչպես և երկրի մյուս վարչա-տնտեսական շրջանները, ունի միջշրջանային տնտեսական կապերի բարդ սխեմա: Կոռպ-

բազմաճյուղի ուղղությամբ կապերի տարրերը ձևերի հետ միասին, տնտեսական շրջանները երկրի ժողովրդական տնտեսության հետ կապված են մեքենաների ու սարքավորումների, հումքի, կիսաֆաբրիկատների, թեթև և սննդի արդյունաբերության ապրանքների մատակարարման միջոցով, կարևորագույն արդյունաբերական օբյեկտների համատեղ շինարարությամբ, գիտության ու տեխնիկայի նվաճումների և փորձի փոխանակմամբ, որոնք կազմում են միջշրջանային տնտեսական կապերի ամրոգչությունը:

Սովետական իշխանության տարիներին Հայաստանը դարձել է ծաղկող, արդյունաբերությամբ զարգացած ուսպուրլիկա: Երկրի ինդուստրացման և տնտեսական շրջանների մասնագիտացման ընթացքում անընդհատ ընդլայնվում են և ամրապնդվում Հայկական ՍՍՌ-ի տնտեսական փոխհարաբերությունները միութենական ուսպուրլիկաների և տնտեսական շրջանների հետ: Բավական է ասել, որ այժմ Հայաստանն իր արտադրանքն ուղարկում է Սովետական Միության գրեթե բոլոր վարչա-տնտեսական շրջանները: Հիմնականում արտահանվում են էլեկտրամեքենաշինության, սարքաշինության, մեքենաշինության, քիմիական արդյունաբերության, գունավոր մետաղամշակության, շինանյութերի, թեթև և սննդի արդյունաբերության արտադրանքները:

Ետպատերազմյան տարիներին ուսպուրլիկայում զարգանում է միութենական նշանակություն ունեցող մեքենաշինությունը: Եթե համեմատաբար վերջերս Հայաստանը ներմուծում էր մեքենաների և սարքավորումների բոլոր տեսակները, ապա այժմ ինքն է Սովետական Միության տարրեր շրջաններն ուղարկում էլեկտրատեխնիկայի և մեքենաշինության մեծ քանակությամբ արտադրանք: Հայաստանի էլեկտրատեխնիկական արդյունաբերությունը մատակարարում է շարժական էլեկտրակայաններ, ուժային տրանսֆորմատորներ, էլեկտրաշարժիչներ, բազմատեսակ ճշգրիտ սարքավորումներ, ժամացույցներ, սնուցման ագրեգատներ, դեկավարման վահաններ, էլեկտրակաբել և այլ ապրանքներ: Միաժամանակ հարկավոր է նշել, որ էլեկտրատեխնիկական արդյունաբերության արտադրանքի մի շարք կարևորագույն տեսակների արտադրությամբ Հայաստանը Սովետական Միության մեջ գրավում է առաջատար տեղերից մեկը: 1959 թ. Հայաստանին բաժին էր ընկնում մինչև 100 կիլովատ հզորության փոփոխական հոսանքի գեներատորների արտադրության 26,4 տոկոսը, 100-ից ավելի կիլովատ հզորության գեներատորների՝ 40,7 տոկոսը, ուժային տրանսֆորմատորների՝ 7,5 տոկոսը, շարժական էլեկտրակայանների՝ 22,5 տոկոսը:

Մեքենաշինական արդյունաբերությունը արտահանում է մետաղահատ և հղկող հաստոցներ, կենտրոնախույս պոմպեր, կոմպրեսորներ, շուտովիկի մամլակներ, պանազան արմատուրա: Սոցիալիստական ինդուստրացման իրականացման և մեքենաշինության զարգացման շնորհիվ մեքենաների և սարքավորումների տեսակարար կշիռը Հայաստանից արտահանվող ապրանքների մեջ զգալիորեն ավելացել է և այժմ կազմում է 17 տոկոս:

Գունավոր մետաղամշակության արտադրանքներից Հայաստանը արտահանում է ռաֆինացված ու սև պղինձ, կապարի և անագի կոնցենտրատներ, ալյումին, մոլիբդեն, շինանյութերի արդյունաբերության արտադրանքից՝ ցեմենտ, թերթաթուղ, հրակայուն առարկաներ, շինարարական տուֆ: Հայաստանի քիմիական արդյունաբերությունը երկրին մատակարարում է սինթետիկ կաուչուկ, կալցիումի կարբիդ, ցինկալավ մոնոխլորիդ, ասբոստիլային

զանգված, վինիֆլեքս, ճարպային և քացախային թթուներ, ամիակային սելիտրա, լաքեր ու ներկեր, ավտոդողեր, հանքային պարարտանյութեր:

Հայաստանից արտահանվող ապրանքների մեջ մեծ տեղ է պատկանում թեթև և սննդի արդյունաբերության արտադրանքներին: Թեթև արդյունաբերության հիմնական ապրանքներից կարելի է նշել կոշիկեղենը, տրիկոտաժեղենը, մետաքսե և բամբակե գործվածքները, մետաքսահումքը, բամբակյա մանրաթելը, բրդյա գործվածքները, մորթեղենը, գորգերը և այլն, սննդի արդյունաբերության արտադրանքից՝ մրգերի և բանջարեղենի պահածոները, կոնյակներն ու գինիները, հանքային ջրերը, տնտեսական և ձեռքի օճառները, ծխախոտը:

Միութենական ռեսպուբլիկաների հետ տնտեսական փոխհարաբերությունների մեջ Հայաստանը ավելի սերտ կապեր ունի ՌՍՖՍՌ-ի հետ, որը միջըրդանային փոխանակման տերիտորիալ տեղաբաշխման մեջ գրավում է առաջին տեղը:

1960 թվականին Հայաստանի ձեռնարկությունները ՌՍՖՍՌ-ին մատակարարել են շարժական էլեկտրակայաններ ԴէՍ—50, ԴէՍ—30, ԺէՍ—4, մինչև 100 կիլովատ և 100 կիլովատից բարձր հզորության գեներատորներ, էլեկտրաշարժիչներ, ուժային տրանսֆորմատորներ, ճշգրիտ սարքավորումներ, բազմատեսակ խիմիկատներ, ցեմենտ, թերթաքար, ավտոդողեր և այլն: էլեկտրատեխնիկական և քիմիական արդյունաբերության արտադրանքի հետ միասին Հայաստանը ՌՍՖՍՌ-ի տնտեսական շրջաններն է ուղարկում թեթև և սննդի արդյունաբերության ապրանքներ, այդ թվում կոշիկեղեն, տրիկոտաժեղեն, մետաքսե և բամբակե գործվածքեղեն, բամբակի մանրաթել, բրդյա գործվածքեղեն, կաշվի հումք, մրգի և բանջարեղենի պահածոներ, կոնյակներ ու գինիներ, հանքային ջրեր, ծխախոտ: Մյուս ռեսպուբլիկաների թվում ՌՍՖՍՌ-ից հետո գալիս է Ուկրաինական ՍՍՌ-ն, որը հանդիսանում է մեքենաշինական, էլեկտրատեխնիկական, քիմիական արդյունաբերության, գունավոր մետաղամշակության, թեթև ու սննդի արդյունաբերության ապրանքների մեծ սպառող: Նույնանման ապրանքներ են ուղարկվում Մերձբայկյան ռեսպուբլիկաները, Միջին Ասիայի ու Անդրկովկասի ռեսպուբլիկաները և ՍՍՌՄ-ի ուրիշ տնտեսական շրջաններ:

Հայկական ՍՍՌ ԺՏԽ արդյունաբերության առանձին ճյուղերի ունեցած տեսակարար կշիռը ապրանքների արտահանման մեջ 1959 թ.:

Արդյունաբերության ճյուղերը՝ տոկոսներով.

Ընդամենը	100
Քիմիական արդյունաբերություն	— 18,8
Մեքենաշինություն և հաստոցաշինություն	— 4
Շինանյութերի արդյունաբերություն	— 20,5
Գունավոր և լեռնահանքային արդյունաբերություն	— 3,5
էլեկտրատեխնիկական և սարքաշինական արդյունաբերություն	— 13
Թեթև արդյունաբերություն	— 2,2
Սննդի արդյունաբերություն	— 39

¹ Աղյուսակը կազմված է Հայկ. ՍՍՌ ԺՏԽ ելույթների հիման վրա (մոտավոր հաշվումներով): Այդ ելույթներից են վերցված նաև մյուս տվյալները:

Դիտելով Հայկական ՍՍՌ-ից ապրանքների առտահանման կառուցվածքը, հարկավոր է նշել, որ այն համապատասխանում է ռեսպուբլիկայի ինդուստրիալ զարգացման բարձր մակարդակին. այն ցույց է տալիս ժողովրդական տնտեսության նպատակային (նպատակահարմար) մասնագիտացման և նրա բոլոր ճյուղերի ռացիոնալ զարգացման առավելությունները սոցիալիստական տերիտորիալ աշխատանքի բաժանման ժամանակ:

Իր հերթին Սովետական Միության բոլոր ծայրերից Հայաստան են ներմուծվում բազմաթիվ ապրանքներ: Ուրալյան, Արևմտա-Սիբիրական և Ուկրաինական գործարաններից Հայաստանը ստանում է շուգուն, պողպատ, գլանվածք, խողովակներ: Մոսկվայի, Լենինգրադի մարզերը, Ուրալը, Արևմտյան և Արևելյան Սիբիրը Հայաստան են ուղարկում մեքենաներ ու սարքավորումներ, տրանսպորտի միջոցներ: Ստալինգրադից, Խարկովից, Ռոստովից Հայաստանն ստանում է գյուղատնտեսական մեքենաներ՝ տրակտորներ, կոմբայններ և այլն: Ուկրաինական ՍՍՌ-ն ուղարկում է մետաղահատ հաստոցներ, դարբնոց-մամլակային սարքավորում, հացահատիկ, շաքար: Տեքստիլ ապրանքները ներմուծվում են Մոսկվայի, Վլադիմիրի և Իվանովոյի տնտեսական շրջաններից: Անդրկովկասյան ռեսպուբլիկաներից Հայաստանն ընդունում է նավթամթերքներ՝ Ադրբեյջանական ՍՍՌ-ից, քարածուխ, ցեմենտ, մետաղահատ հաստոցներ, ցիտրուսներ՝ Վրացական ՍՍՌ-ից, Միջին Ասիայից՝ բամբակ, կաշվի հումք, մետաղներ: Մերձրաբյան ռեսպուբլիկաները Հայաստանին մատակարարում են տեքստիլ և կարի ապրանքներ, ռադիոտեխնիկական և էլեկտրատեխնիկական արտադրանք, ձկան պահածոներ, կահույք: Տնտեսական կապերի զարգացման և ընդլայնման հետ մեկտեղ ամեն տարի ավելանում է նաև ներմուծվող և արտահանվող ապրանքների քանակը, որի մասին ակնառու կերպով վկայում են երկաթուղու բեռների ընդունման և առաքման վիճակագրական տվյալները:

Քեռնեի ընդունումն ու առաքումը Հայկական ՍՍՌ-ում (հազար տոննաներով)²:

	1940 թ.	1950 թ.	1953 թ.	1954 թ.	1959 թ.	1959 թ. տեղում			
						1940	1950	1953	1958
Քեռների ընդունումը	2257	3248	4772	6587	7429	3292	2297	155.6	107.9
Քեռների առաքումը	1424	2282	3722	5296	5717	4013	2505	1536	104.1

Ինչպես ցույց են տալիս թվերը 1959 թվականին բեռների ընդունումը Հայկական ՍՍՌ-ում, 1940 թ. հետ համեմատած, ավելացել է 3,2 անգամ, իսկ բեռների առաքումը Հայկական ՍՍՌ-ից՝ 5,7 անգամ:

² Աղյուսակը կազմված է «Սովետական Հայաստանի 40 տարում» վիճակագրական ժողովածուի և Հայկական ՍՍՌ ժողովրդական տնտեսությունը 1957 թ. վիճակագրական ժողովածուի տվյալների հիման վրա:

Միջշրջանային տնտեսական կապերի սխտեմում կարևորագույն տարրերից են հանդիսանում կոոպերացման կապերը,— տարրեր տնտեսական շրջանների ձեռնարկությունների ուղղակի և երկարատև կապերը: Ինչպես հայտնի է, միջշրջանային կոոպերացման էությունը կայանում է նրանում, որ տարրեր տնտեսական շրջանների ձեռնարկությունները համատեղ մասնակցում են որևէ բարդ արդյունքի պատրաստմանը: Այդպիսի անմիջական կապը նախատեսում է պայմանագրային ստույգ հարաբերությունների առկայություն մատակարարողի և սպառողի միջև, նշելով նրանց պարտականությունները՝ ճիշտ սահմանված ժամկետում որոշ տեսակի, որակի և քանակի արտադրանքի պատրաստման գործում: Կոոպերացման ուղղությամբ միջշրջանային կապերը իրականացվում են ինչպես պողպատի և շուգունի ձուլվածքի, կոանվածքի, դրոշմատիպերի, մեքենաների որոշ կարևորագույն հանգույցների և դետալների միջոցապուրջիկական մատակարարումների ձևով, այնպես էլ կոմպլեկտավորման ուղղությամբ միջշրջանային մատակարարումների ձևով:

1960 թվականին Հայկական ՍՍՌ Ժողովրդական տնտեսության խորհրդի ձեռնարկություններին պողպատի և շուգունի ձուլվածք, դրոշմատիպ, կոանվածք, ինչպես նաև մեքենաների մի շարք կարևորագույն հանգույցներ ու դետալներ էին մատակարարում երկրի տարրեր տնտեսական շրջանների 14 ժողտնտիսորհներ, այդ թվում միայն 8-ը Ռուսաստանյան ֆեդերացիայից: Պողպատի ձուլվածքի մատակարարումների ամենամեծ տեսակարար կշիռը բաժին էր ընկնում ՌՍՖՍՌ-ին՝ 510 տոննա, այսինքն 60 տոկոսից ավելին: Պողպատի ձուլվածքի մնացած մասը մատակարարում էին Ուկրաինական ՍՍՌ-ն՝ 25 տոկոս, Վրացական ՍՍՌ-ն՝ 15 տոկոս: Չուգունի ձուլվածքի կոոպերացված մատակարարումների ուղղությամբ գերակշռող դերը պատկանում է Ուկրաինական ՍՍՌ-ին՝ 50 տոկոսից ավելի, այնուհետև գալիս է Գերկու Ժողտնտիսորհը (ՌՍՖՍՌ), որը շուգունի ձուլվածք է մատակարարում Երևանի Պահեստամասերի գործարանին: Վրացական ՍՍՌ-ի Ժողտնտիսորհի «Յենտրոլիտ» գործարանը իմիական արդյունաբերության համար Կիրովականի Քիմիական կոմբինատ է ուղարկում տեխնոլոգիական սարքավորման դետալների ձուլվածքներ: Ադրբեջանական ՍՍՌ-ի Ժողտնտիսորհի Մոնտինի անվան գործարանը ուղարկում է շուգունի ձուլվածք, մասնավորապես պոմպերի դետալների ձուլվածքներ՝ Երևանի Կիրովի անվան գործարանին՝ հաստատված անվանացուցակով:

Հայաստանի արդյունաբերական ձեռնարկությունների համար ՌՍՖՍՌ-ի գծով կոանվածքներ ու դրոշմատիպեր են ուղարկում՝ Ստալինգրադի ԺՏԽ-ն՝ կոանվածքներ Երևանի Ավտոպահեստամասերի գործարանի համար, Ուլմուրտիայի ԺՏԽ-ն՝ գեներատորների լիսենզների համար, դրոշմատիպեր՝ Երևանի Վ. Ի. Լենինի անվան էլեկտրամեքենաշինական գործարանի համար, Չելյաբինսկի ԺՏԽ-ն՝ ծնկաձև լիսենզների դրոշմատիպեր՝ Երևանի Կոմպրեսորային գործարանի համար:

Գերկու ԺՏԽ-ն Հայաստանի ԺՏԽ-ին մատակարարում է մեքենաների մի շարք կարևորագույն հանգույցներ ու դետալներ: Ուկրաինական ռեսպուբլիկայի գծով, տեխնոլոգիական սարքավորման դետալների կոանվածքներ է ուղարկում Դնեպրոպետրովսկի ԺՏԽ-ը, հանքահորային աղացների լիսենզների կոանվածքներ՝ Լուգանսկի ԺՏԽ-ը, բարձր ճնշման կոմպրեսորների դետալների կառուցվածքներ՝ Ստալինոյի ԺՏԽ-ը: Վրացական ՍՍՌ-ից Երևանի Ավտոպահես-

տամասների գործարանի համար դրոշմատիպեր է ուղարկում Քութաիսի Ավտոմոբիլային գործարանը:

Միջոցապուրիկական կոոպերացված մատակարարումները մեծ նշանակություն ունեն ուսպուրիկայի էկոնոմիկայի հետագա զարգացման համար: Ահա թե ինչու միջոցապուրիկական կոոպերացված մատակարարումների պլանների ժամանակին կատարումը գտնվում է պլանային և տնտեսական օրգանների ուշադրության կենտրոնում:

Միութենական ուսպուրիկաների միջև տնտեսական համագործակցությունն իրականացվում է նաև արդյունաբերական կարևորագույն օբյեկտների համատեղ շինարարության ձևով: Այսպես, սկսվել է Երևան—Քրիլիսի ուղի-ոռնիի գծի շինարարությունը, որը հնարավորություն կտա հեռուստատեսային հաղորդումներ րնդունել Սովետական Միության տարրեր քաղաքներից: Կառուցվում է Ադստաֆա—Աթարբեկյան ԳէՍ էլեկտրահաղորդման գիծը, որը կկապի Հայաստանի և Վրաստանի էներգասիստեմները: Եվ հեռու չէ այն օրը, երբ կավարտվի Մինգեչաուրի ԳէՍ-ը: Հայաստանի էներգասիստեմի հետ կապող էլեկտրահաղորդման շինարարությունը: Ուրախալի իրադարձություն հանդիսացավ ադրբեջանական գաղի մոտքը Հայաստան ու Վրաստան: Ղարադաղ—Ադստաֆա—Քրիլիսի—Երևան գազամուղը աշխատավորների կողմից իրավա-ցիորին անվանվել է «Անդրկովկասի ժողովուրդների բարեկամության գազամուղ»:

Հայկական ՍՍՌ-ի տնտեսական կապերը չեն բավարարվում մեր Հայրենիքի սահմաններով: Միութենական մյուս ուսպուրիկաների հետ միասին Հայաստանը գործարար մասնակցություն է ցույց տալիս արտասահմանյան երկրների հետ Սովետական Միության արտաքին տնտեսական կապերին: Նախապատերազմյան ժամանակաշրջանում Սովետական Հայաստանը չէր կարող խոշոր դեր խաղալ երկրի տնտեսական կյանքում և, առավել ևս, արտասահմանի հետ ունեցած արտաքին կապերի մեջ: Հայաստանի արտահանության հիմքում այն ժամանակ ընկած էին թեթև ու սննդի արդյունաբերության արտադրանքը և տնայնագործական առարկաները: Այնպիսի կարևորագույն ապրանքներ, ինչպիսիք մեքենաներն ու սարքավորումներն են, իսպառ բացակայում էին ուսպուրիկայի արտահանության մեջ: Ներկայումս Հայաստանի ժողտնտխորհի ձեռնարկությունների արտադրանքն արտահանվում է աշխարհի ավելի քան 30 երկրներ: Եթե 1958 թվականին արտահանվող արտադրանքի մեջ մտնում էին տարրեր տեսակի 48 ապրանքներ, ապա այժմ այդ թիվը հասել է 70-ի: Հայաստանը արտահանում է մեքենաշինության, սարքաշինության, քիմիական արգյունաբերության, գունավոր մետաղամշակության, ինչպես նաև սննդի արդյունաբերության արտադրանք: Ընդսմին մեքենաներին և սարքավորումներին բաժին է ընկնում մոտ 21 տոկոսը: Հայկական ՍՍՌ-ի ձեռնարկությունները արտասահման են ուղարկում շարժական էլեկտրակայաններ, գեներատորներ, էլեկտրամոտորներ, դեկավարման վահաններ, սնուցման ագրեգատներ, ուժային տրանսֆորմատորներ, կոմպրեսորներ, կենտրոնախույս պոմպեր, ալյումին, պղնձարջասպ կոնյակներ, գինիներ, ծխախոտ և մի շարք այլ ապրանքներ: Հայաստանի ժողտնտխորհի ձեռնարկությունների արտադրանքը արտահանվում է բոլոր սոցիալիստական երկրները: Այդ երկրներից առաջին տեղը զբաղում է Զինական ժողովրդական Ռեսպուբլիկան: 1960 թվականին Զինաստան արտահանվող ապրանքների մեջ մտնում էին շարժական էլեկտրակայաններ, տրանս-

ֆորմատորներ, գեներատորներ, կենտրոնախույս պոմպեր, մետաղահատ հաս-
տոցներ, էլեկտրակարել, սինթետիկ կաուչուկ, պահածոներ, կոնյակներ ու գի-
նիներ:

Հայկական վարչա-տնտեսական շրջանի մարկան կրող արտադրանքը
ուղարկվում է նաև կապիտալիստական շատ երկրներ, այդ թվում Մերձավոր ու
Միջին Արևելքի (Արաբական Միացյալ Ռեսպուբլիկա, Աֆղանստան) և Հարա-
վային ու Հարավ-Արևելյան Ասիայի (Հնդկաստան, Պակիստան, Ինդոնեզիա,
Բիրմա, Կամբոջա) տնտեսապես թույլ զարգացած երկրները: Հայաստանի ար-
տադրանքը ներմուծում են նաև Եվրոպական երկրներ՝ Հունաստանը, Իռլան-
դիան, ԳՅՌ-ն, Ավստրիան, Լատինական Ամերիկայի երկրներից՝ Զիլին, Ուրուգ-
վայը, Արգենտինան:

Այս դեպքում հարկավոր է նշել, որ արդյունաբերության և շինարարության
ղեկավարման կազմակերպման վերակառուցումը և ժողտնտիսորհների ստեղծու-
մը դրական ազդեցություն թողեցին արտահանվող պատվերների կատարման
վրա: 1960 թվականին Հայկական ՍՍՌ ԺՏԽ-ի արդյունաբերական ձեռնարկու-
թյունների արտահանության ծավալը, 1957 թվականի հետ համեմատած աճել
է 1.8 անգամ:

Հայաստանի արդյունաբերությունը մեքենաների ու սարքավորումների ար-
տահանությամբ մասնակցում է այն ձեռնարկությունների շինարարությանը,
որոնք Սովետական Միության օգնությամբ կառուցվում են արտասահմանյան
երկրներում: Հայաստան ԺՏԽ-ի արդյունաբերական ձեռնարկությունների ար-
տադրանքը ուղարկվում է այն 70 ձեռնարկությունների շինարարության հա-
մար, որոնք ՍՍՌՄ-ի աջակցությամբ կառուցվում են Զինաստանում, Լեհաստա-
նում, Զեխոսլովակիայում, Աֆղանստանում, Բիրմայում, Կամբոջայում, Եմեն-
ում:

Հայաստանի էլեկտրատեխնիկական և մեքենաշինական արդյունաբերու-
թյունը իր արտադրանքի արտահանությամբ օգնություն է ցույց տալիս ԲՀԽա-
յի մետաղամշակման կոմբինատի (Հնդկաստան), Բոմբեյի (Հնդկաստան) և
Ռանգունի (Բիրմա) տեխնոլոգիական ինստիտուտների, Պնոմ-Պենի (Կամբոջա)
հոսպիտալի շինարարությանը: 1959 թվականին Նրևանի Վ. Ի. Լենինի անվան
էլեկտրամեքենաշինական և կոմպրեսորների գործարանները առաջին անգամ
շարժական էլեկտրակայաններ ու կոմպրեսորներ ուղարկեցին Ասուանի բարձ-
րադիր ամբարտակի կառուցման համար, որը վեր է խոյանում ՄԱՌ-ում՝ Սո-
վետական Միության նախագծով և տնտեսական ու տեխնիկական աջակցու-
թյամբ: Բացի այդ, սկսած այս տարվանից Հայաստանը, որը հանդիսանում է
գլխավոր մատակարարողը, օգնություն ցույց կտա Բաղդադում (Իրաք) էլեկ-
տրատեխնիկական գործարանի շինարարությանը:

Սոցիալիստական երկրների միջև տնտեսական կապերում կարևոր տեղ է
գրավում գիտա-տեխնիկական համագործակցությունը: Հայաստանը, ինչպես
նաև սովետական մյուս ռեսպուբլիկաները, մասնակցում է այդ համագործակ-
ցությանը, որը վկայում է ռեսպուբլիկայի ժողովրդական տնտեսության մեծ
վերելքի մասին: Հայաստանը ավելի ու ավելի լայն մասնակցություն է հան-
գես բերում միջազգային ցուցահանդեսներում: Միայն 1959 թվականին Հայ-
կական ՍՍՌ-ի ժողտնտիսորհի ձեռնարկությունների արտադրանքը ցուցադր-
վել է 16 տոնավաճառներում և ցուցահանդեսներում, այդ թվում Նյու-Յորքում,

Մեխիկոյում, Կոլումբոյում, Իզմիրում, Դամասկոսում, Հելսինկիում, Նյուդե-իիում, Լեյպցիգում, Բոնոյում:

Տնտեսական կապերը միութենական ռեսպուբլիկաների և մյուս վարչա-տնտեսական շրջանների միջև, յոթնամյա պլանի իրականացմանը զուգընթաց, հետագա զարգացում կստանան:

Եթե դեռևս ոչ շատ անցյալում մի շարք միութենական ռեսպուբլիկաներ Ռուսաստանյան ֆեդերացիա էին ուղարկում առավելապես հումք, փոխարե-նը ստանալով մեքենաներ ու սարքավորումներ, ապա այժմ արդյունաբերու-թյան արտադրության ձեռք բերված մակարդակը հնարավորություն է ընձեռ-նում նշանակալիորեն ընդլայնել պատրաստի ապրանքների փոխադարձ մատա-կարարման անվանացանկը: Հայաստանը առաջվա նման կարտահանի իր ար-տադրության համար տրադիցիա դարձած ապրանքներ, միաժամանակ ավե-լացնելով էլեկտրատեխնիկական, մեքենաշինական, սարքաշինական արդյունա-բերության արտադրանքի մատակարարումները: Միջշրջանային և միջոնսպու-րիկական տնտեսական կապերի ռացիոնալիզացիան, խելացի մասնագիտացու-մը և ճիշտ կոոպերացումը՝ ժողովրդական տնտեսության մեծ պրոբլեմ են: Այդ պրոբլեմը հարկավոր է ուսումնասիրել և լուծել առանց հապաղման:

Այնուամենայնիվ, եթե ժողտնտիսորհների կազմավորման օրից անցած տարիների ընթացքում ձեռք են բերվել մեծ հաջողություններ արդյունաբերու-թյան պլանավորման բնագավառում, ապա միջշրջանային տնտեսական կապերի պլանավորման գործում դեռևս հարկ կա շատ բան անելու: Զի կարելի, օրինակ, հանդուրժել չափից դուրս հեռու, ոչ ռացիոնալ և հանդիպակաց փոխադրումնե-րի առկայության փաստերը: Հայաստանն ունի ռետինի զարգացած արդյունա-բերություն, բայց միևնույն ժամանակ ռետինատեխնիկական շատ առարկաներ ներմուծվում են մյուս տնտեսական շրջաններից:

Ամեն տարի ռեսպուբլիկայի ձեռնարկությունները արտադրում են մեծ քա-նակությամբ տարրեր տեսակի մետաղահատ հաստոցներ, բայց, չգիտես ինչու, նույնանման հաստոցներ ներմուծվում են երկրի մյուս տնտեսական շրջաննե-րից: Նույնը կարելի է ասել ուժային տրանսֆորմատորների և էլեկտրաշար-ժիչների մի շարք տեսակների վերաբերյալ: Երևանի էլեկտրատեխնիկական գործարանի կողմից 1960 թվականի արտադրական պլանը չկատարելը բացա-տրվում է նրանով, որ Խարկովի տնտեսական շրջանից ժամանակին չստաց-վեցին կոմպլեկտավորվող առարկաները, մասնավորապես փաթաթման լարերը, և դա այն ժամանակ, երբ շատ մոտիկ գտնվում է Կաբելի հզոր գործարանը, որտեղ միանգամայն հնարավոր է կազմակերպել հենց այդպիսի լարերի արտա-դրությունը: Նման օրինակներ շատ են:

ՍՍՌՄ Գերագույն Սովետի 7-րդ սեսիայում Ն. Ս. Խրուշչովը խոսելով տար-րեր ժողտնտիսորհների արդյունաբերության տնտեսական կապերի կարևորու-թյան մասին, ընդգծեց, որ Պետպլանի ամենագլխավոր խնդիրներից մեկը պետք է լինի վերլուծման ենթարկել այդ կապերը, պայմաններ ստեղծել առավել նպատակահարմար տնտեսական կապերի զարգացման համար և ակտիվ միջա-մրտություն հանդես բերել ոչ ռացիոնալ կապերի հայտնաբերման դեպքում:

Դրա հետ միասին պետք է նշել, որ ռեսպուբլիկայում անհրաժեշտ ուշա-դրություն չի նվիրվում միջոնսպուրիկական և միջշրջանային կապերի բարե-փոխման գործին: Մեզ թվում է, հասել է այն ժամանակը, որպեսզի Հայկական ՍՍՌ Պետպլանը զբաղվի միջշրջանային տնտեսական կապերի ամբողջ կոմպ-

լեքսով: Այդ կապակցությամբ անհրաժեշտ է առաջին հերթին Հայաստանի տնտեսական կապերի հաշվառման և պլանավորման գործը կենտրոնացնել մեկ միացյալ տեղում:

Միջլրջանային և միջոնսպորիկական տնտեսական կապերի առավել նպատակահարմար սխտեմ ստեղծելու գործին էապես կօգնի Ռեսպորիկայի Պետպլանին առընթեր հատուկ բաժնի կամ սեկտորի կազմակերպումը, որի իրավասության մեջ կմտնեն արտահանվող և ներմուծվող արտագրանքի բոլոր տեսակները (ներառյալ նատուրալ և արժեքային արտահայտութուններով): Արտահանվող և ներմուծվող արտադրանքի բոլոր տեսակների օպերատիվ հաշվառումը ռեալ հնարավորութուններ կստեղծի ինչպես հանրային արտադրության տեղամասերի, այնպես էլ ժողովրդական տնտեսության առանձին ճյուղերի գծով միջլրջանային փոխանակության կառուցվածքը մանրազնին կերպով ուսումնասիրելու համար՝ հետագայում միջլրջանային և միջոնսպորիկական տնտեսական կապերի առավել նպատակահարմար, գիտականորեն հիմնավորված սխեմաներ մշակելու և կազմելու նպատակով:

Միջլրջանային և միջոնսպորիկական տնտեսական կապերի ճիշտ կազմակերպումն ու կատարելագործումը հանդիսանում է Հայկական ՍՍՌ Պետպլանի և Ժողտնտխորհի կարևորագույն խնդիրը: Միջլրջանային տնտեսական կապերի սխտեմի բարեփոխումը թույլ կտա ժողովրդական տնտեսության համար խնայել տասնյակ և հարյուր միլիոնավոր ռուբլիներ և երկրին կրերի հրակայական տնտեսական էֆեկտ: